

Liujcouh Guh Hozdung Gyauhliuz 2025 Nienz “Lijyouz Coicaenh Gak Minzcuz Sam Gyau Giva • Gvangjsih Cingq Hengzdoengh”

10 nyied 25 hauh, Liujcouh Si hozdung gyauhliuz 2025 nienz “lijyouz coicaenh gak minzcuz sam gyau giva • Gvangjsih cingq hengzdoengh” caeuq Liujcwnz Yen Gujcai Mulajcuz Yangh ciet lijyouz swnghdai vwnzva “haeux gyaeu Gujcai • doengh van lajmbanj”, youq Liujcwnz Yen Gujcai Ranghaeux Biu Dieg Baeyouz haiguh. Hozdung cawjdaez dwg “aeu lijyouz guh moiz coi sam gyau doengzsim caemh cuk loqsiengj Cungguk”, cienzmienh baijok gij cwnzgoj minzcuz fungcingz, swnghdai yinxdaeuz caeuq lajmbanj saenqhwnz Gujcai Mulajcuz Yangh, coicaenh gak

minzcuz sam gyau.

Hozdung youz Swcigih Minzcunghvejij cijdauj, Liujcouh Minzcunghvejij, Cunghgung Liujcwnz Yen Veijyenzei, Liujcwnz Yen Yinzminz Cwngfuj cawjbanh. Swcigih Minzcunghvejij ngeih gaep sinzsiyenz Vuz Hansiz camgya hozdung. Liujcouh Si, Liujcwnz Yen mizgven bouhmonz lingjdauj, daengx gih gak gaep gak loih boux daibyauj guh hong meizdij, boux daibyauj guh hong lijyouz daengj daih-iek 3000 vunz camgya hozdung.

(Vangz Yinz/黄云 Se Liengzyij/谢梁雨 Cinz Cin' gyangh/覃振江 Vuz Gaijvwnz/吴凯文)



▲Hozdung doenggvaq “mbanj T” baijok gij buhvaq minzcuz gyaqciq.

Vangz Yinz ingj



▲Hozdung yienhciengz cien vunz dwklongj gig saenqdoengh.

Hozdung 2025 Nienz Denhdwnj Yen Cietsuenggangq Bouxcuengh Caeuq Geiq Siuhfei Vwnzlij Ndei Beksingq Miz Daegsaek Haidoengh

10 nyied 24 hauh, hozdung 2025 nienz Denhdwnj Yen cietsuenggangq Bouxcuengh caeuq geiq siuhfei vwnzlij ndei beksingq miz daegsaek youq Denhdwnj Yen Denhgyauh Gvangjangz haidoengh. Yienhciengz, cien vunz dwklongj, ciengq go diuq foux, yienjheiq daengj hozdung ndeyawj dangqmaz, vunzlai bekfwngz mboujduenh. Giz baijgai doxgaiq, lwmmanh daengjmbwn Denhdwnj, batgak, nohlab daengj doxgaiq miz daegsaek, supyinx haujlai bouxhek daeuj cimz, daeuj cawx, nauhyied raixcaix.

(Vangz Cwngzsungh/黄城松)

Hocouh: Cietcungzyangz Segih Hozdung Yinxdaeuz Naekna

10 nyied 25 hauh, Hocouh Bizgveiyenz Ailenzfuj Nanzyenz Vuzyez Fuzvu Cunghsinh guh hozdung “cingz raeuj seizcou, angqhoh cungyangz”, gaenh 200 boux vunzdangdieg caemh angqhoh ngoenzciet conzdungj ndei. Geizciengh doxdax, foux gyongraez Yauzcuz, go foux Bouxcuengh daengj yienh'ok rengzhoengh segih. Hoih ngoenzseng bouxlauh hawj vunz roxnyinh raeujrubrub, gingq laux gyaez laux conzdungj meijdwz youq ndaw hozdung cienzyiengz.

(Ganh Yungj/甘勇)



▲Lwgnvez ndenq dangauh hawj bouxlauh.



▲Hekyouz rog guek daejniemh sou haeux.

Yiz Linzyi ingj

Lungzswng: Seiz Fungsou Gingjsaek Gyaеundeі Yinx Hek Daeuj

10 nyied 26 hauh, youq Lungzswng Gak Cuz Swciyen Bingzanh Mbanjcuengh, haujlai bouxhek ndaw guek rog guek haeuj daengz Lungzciz Nazmbaeklae yawj funghgingj reihnaz, caeuq vunzmbanj bae sawq sou haeux gvaqyinx. Gawq dungjgi, Lungzswng 2025 nienz 1 daengz 9 nyied gyoebusuenq ciepdaih hekyouz 1083.7 fanh vunzbaez, doengzbeij demlai 9.25%.

(Veiz Gizyangz/韦吉阳 Yiz Linzyi/于琳钰)